



Broj: 14-14-10127-1-17/16  
Zenica: 22.09.2017.godine

Na osnovu člana 68. stav (4) tačka i) i j), člana 69. stav (2) tačka d) i člana 70. stav (4) i (6.) Zakona o javnim nabavkama („Sl. glasnik BiH“, broj 39/14), u skladu sa preporukom Komisije za javnu nabavku „Nabavka roba za potrebe kafe kuhinja Zeničko-dobojskog kantona“, direktor Službe za zajedničke poslove, d o n o s i

### ODLUKU

o poništenju postupka javne nabavke

#### Član 1.

(Predmet)

Poništava se postupak javne nabavke za „Nabavku roba za potrebe kafe kuhinja Zeničko-dobojskog kantona“, u skladu sa članom 69. stav (2) tačka d) Zakona o javnim nabavkama, iz razloga što nijedna od primljenih ponuda nije prihvatljiva i ne ispunjava zahtjeve navedene u tenderskoj dokumentaciji.

#### Član 2.

(Objava Odluke)

Ova odluka objavit će se na web-stranici Zeničko-dobojskog kantona [www.zdk.ba](http://www.zdk.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6). Zakona o javnim nabavkama.

#### Član 3.

(Obaviještenje ponuđačima o rezultatima)

U skladu sa članom 71. stav (2). Zakona o javnim nabavkama uz Odluku o poništenju postupka javne nabavke izvršit će se dostavljanje i Zapisnika o pregledu i ocjeni ponuda, istovremeno, a najkasnije u roku od sedam dana od dana donošenja Odluke.

#### Član 4.

(Stupanje na snagu)

Ova odluka stupa na snagu danom donošenja.

### Obrazloženje

Služba za zajedničke poslove je na osnovu Odluke o pokretanju postupka javne nabavke broj: 14-14-10127/16 od 19.05.2016.godine, pokrenula postupak javne nabavke. Javna nabavka je provedena po otvorenom postupku u skladu sa članom 25. Zakona o javnim nabavkama. Procijenjena vrijednost nabavke je 70.000,00 KM bez PDV-a.

Ugovorni organ je objavio obaviještenje na portalu javnih nabavki broj: 771-1-1-13-3-11/16 dana 04.10.2016.godine i ispravku obaviještenja broj: 771-1-1-13-8-14/16 dana 27.10.2016.godine i u „Sl. glasniku BiH“, broj 75/16 i 83/16.

Na Odluku o izboru najpovoljnijeg ponuđača, broj: 14-14-10127-1-10/16 od 06.04.2017.godine, kojom je ugovor dodjeljen ponuđaču „Lala i Lačo“ d.o.o. Bijeljina, ponuđač „Plan Plus“ d.o.o. Zenica je uložio žalbu.

Ured za razmatranje žalbi, Rješenjem, broj: JN2-03-07-1-401-11/17 od 25.05.2017.godine, usvojio je žalbu ponuđača „Plan Plus“ d.o.o. Zenica, kojim je poništio Odluku o izboru najpovoljnijeg

ponuđača, broj: 14-14-10127-1-10/16 od 06.04.2017.godine i predmet vratio ugovornom tijelu na ponovno odlučivanje.

Po prijemu Rješenja (dana 30.05.2017.godine), Komisija je pristupila ponovnom pregledu i ocjeni ponuda, provjeri spornih navoda, te sačinila Zapisnik, broj: 14-14-10127-1-16/16 od 21.09.2017.godine, koji je sastavni dio ove Odluke.

Po prijemu odgovora od strane Studen Agrana Rafinerija šećera d.o.o Brčko, konstatovano je da ponuda ponuđača „Lala i Lačo“ d.o.o Bijeljina nije potpuna i ne ispunjava zahtjeve iz tenderske dokumentacije iz razloga jer nije Obrazac za cijenu ponude (Aneks III) ispravno popunjen. U stavci pod rednim brojem 7. „Šećer kocka pakovanje 1/1 kg“, nisu navedeni traženi podaci u skladu sa tenderskom dokumentacijom „Naziv ponuđenog artikla, Naziv proizvođača i Zemlja porijekla ponuđenog artikla“. U ponudi ponuđača „Lala i Lačo“ d.o.o Bijeljina, pod stavkom 7. stoji „Agrogold šećer kocka 1 kg, Agrogold d.o.o. BiH“. Naknadnom provjerom i odgovorom od strane proizvođača Studen Agrana Rafinerija šećera d.o.o Brčko, je potvrđeno da naziv ponuđenog artikla glasi „Aragold kocka 1 kg, naziv proizvođača Studen Agrana Rafinerija šećera d.o.o Brčko, koji na teritoriju Bosne i Hercegovine distribuiše firma Agragold d.o.o. BiH.

Na osnovu navedenog, Komisija je dala preporuku ugovornom organu za donošenje odluke o poništenju postupka javne nabavke za „Nabavku roba za potrebe kafe kuhinja“ Zeničko-dobojskog kantona, u skladu sa članom 69. stav (2) tačka d) Zakona o javnim nabavkama (Sl. Glasnik BiH broj: 39/14) jer nijedna od primljenih ponuda nije prihvatljiva.

Ponuda ponuđača „Lala i Lačo“ d.o.o Bijeljina se odbacuje na osnovu člana 68. stav (4) tač. i), ponuda nije potpuna i ne ispunjava zahtjeve iz tenderske dokumentacije i tač.j) i u drugim opravdanim slučajevima, jer su za ugovorni organ nastale nove okolnosti, zbog dužine provođenja postupka javne nabavke neke od kafe kuhinja su prestale sa radom tako da su smanjene potrebe za nabavkom roba za kafe kuhinje.

Na osnovu prethodnog, odlučeno je kao u članu 1. ove odluke.

#### **POUKA O PRAVNOM LIJEKU**

Protiv ove odluke može se izjaviti žalba ugovornom organu najkasnije u roku od 10 (deset) dana od dana prijema ove odluke.

#### **Prilog:**

1x Zapisnik, broj: 14-14-10127-1-16/16

1x e-mail -obavijest

#### **Dostaviti:**

1x učesnici

1x tenderska dokumentacija

